

# PROXECTO CTO. GALEGO DE NATACIÓN ABSOLUTO OPEN E JÚNIOR DE VERÁN

Tempada 2014 - 2015. Circular .

## 1.- ORGANIZACIÓN, DATAS E SEDE.

1.1.- O Campionato Galego de Natación Absoluto Open e Júnior de verán celebrarase durante as datas e sede establecida no calendario de natación para a presente tempada.

1.2.- O Campionato Galego de Natación Absoluto Open e Júnior celebrarase a nivel rexional en tres xornadas cunha sesión de tarde na primeira xornada e dúas de mañá e de tarde na segunda e terceira xornada.

1.3.- As sesións de mañá darán comezo ás 10:00 horas e as de tarde ás 17:00 horas.

1.4.- A piscina deberá estar a disposición dos equipos participantes polo menos dúas horas antes do inicio de cada sesión e media hora despois da súa finalización, así como a mañá da 1ª xornada e previa solicitude dos clubs interesados ao clube organizador. Os nadadores teñen dereito a realizar o quecemento até 10 minutos antes de que comece a sesión.

## 2.- PROGRAMA DE PROBAS.

| Xornada 1. Sesión de mañá.  | Xornada 2. Sesión de mañá  | Xornada 3. Sesión de mañá.   |
|---|--|--|
|   | <b>11.</b> 1500 M LIBRE FEMEINNO ABSO<br><b>12.</b> 50 M LIBRE MASCULINO<br><b>13.</b> 50 M LIBRE FEMININO<br><b>14.</b> 100 M COSTAS MASCULINO<br><b>15.</b> 100 M COSTAS FEMININO<br><b>16.</b> 800 M LIBRE MASCULINO ABSO<br><b>17.</b> 4X100 M LIBRE FEMININO JUNI<br><b>18.</b> 4X200 M LIBRE FEMININO ABSO   | <b>29.</b> 4X50 M LIBRE FEMININO<br><b>30.</b> 4X50 M LIBRE MASCULINO<br><b>31.</b> 800 M LIBRE FEMININO<br><b>32.</b> 200 M COSTAS MASCULINO<br><b>33.</b> 200 M COSTAS FEMININO<br><b>34.</b> 50 M BRAZA MASCULINO<br><b>35.</b> 50 M BRAZA FEMININO<br><b>36.</b> 1500 M LIBRE MASCULINO<br><b>37.</b> 4X200 M LIBRE FEMININO JUNI<br><b>38.</b> 4X200 M LIBRE FEMININO ABSO  |
| Xornada 1. Sesión de tarde.   | Xornada 2. Sesión de tarde.  | Xornada 3. Sesión de tarde.  |
| <b>1.</b> 4X50 ESTILOS MASCULINO<br><b>2.</b> 4X50 ESTILOS FEMININO<br><b>3.</b> 400 M LIBRE MASCULINO<br><b>4.</b> 400 M LIBRE FEMININO<br><b>5.</b> 100 M BOLBORETA MASCULINO<br><b>6.</b> 100 M BOLBORETA FEMININO<br><b>7.</b> 200 M ESTILOS MASCULINO<br><b>8.</b> 200 M ESTILOS FEMININO<br><b>9.</b> 4X200 M LIBRE MASC JUNI<br><b>10.</b> 4X100 M LIBRE MASC ABSO | <b>19.</b> 50 M COSTAS MASCULINO<br><b>20.</b> 50 M COSTAS FEMININO<br><b>21.</b> 200 M LIBRE MASCULINO<br><b>22.</b> 200 M LIBRE FEMININO<br><b>23.</b> 50 M BOLBORETA MASCULINO<br><b>24.</b> 50 M BOLBORETA FEMININO<br><b>25.</b> 200 M BRAZA MASCULINO<br><b>26.</b> 200 M BRAZA FEMININO<br><b>27.</b> 4X200 M LIBRE MASC JUNI<br><b>28.</b> 4X100 M LIBRE MASC ABSO | <b>39.</b> 100 M BRAZA MASCULINO<br><b>40.</b> 100 M BRAZA FEMININO<br><b>41.</b> 200 M BOLBORETA MASCULINO<br><b>42.</b> 200 M BOLBORETA FEMININO<br><b>43.</b> 100 M LIBRE MASCULINO<br><b>44.</b> 100 M LIBRE FEMININO<br><b>45.</b> 400 M ESTILOS MASCULINO<br><b>46.</b> 400 M ESTILOS FEMININO<br><b>47.</b> 4X100 M ESTILOS MASC JUNI<br><b>48.</b> 4X100 M ESTILOS MASC ABSO<br><b>49.</b> 4X100 M ESTILOS FEM JUNI<br><b>50.</b> 4X100 M ESTILOS FEM ABSO |

## 3.- PARTICIPACIÓN.

3.1.- A presente normativa está destinada ás categorías:

- a) Absoluto Masculino
- b) Absoluto Feminino
- c) Absoluto Mozo Masculino (Nacidos nos anos 1995 - 1996)
- d) Absoluto Mozo Feminino (Nacidas nos anos 1997 - 1998)
- e) Júnior Masculino (Nacidos nos anos 1997 e 1998)
- f) Júnior Feminino (Nacidas nos anos 1999 e 2000)

g) Nadadores con discapacidade funcional e/ou visual das anteriores categorías.

3.2.- A participación está aberta a todos os nadadores de clubs galegos e de clubs de fora de Galicia que acrediten ter realizadas as marcas mínimas asignadas. Para os nadadores de Clubs de fora de Galicia, as marcas mínimas que teñen que acreditar, son as da categoría absoluto-mozo do Campionato de España de verán. Ademais, deberán aboar a cota de participación que no seu caso será de 60 euros por club máis 30 euros por nadador inscrito.

Para os nadadores con discapacidade funcional e/ou visual haberá unha soa marca mínima.

3.3.- Cada nadador poderá participar como máximo en catro probas individuais en todo o campionato e nunha ou dúas probas de remudas, segundo sesión, para a categoría absoluta, e unha por sesión para a categoría júnior. Nas remudas, un nadador junior non poderá nadar a mesma proba de remudas nas distintas categorías. Os nadadores con discapacidade funcional e/ou visual só poderán nadar as probas indicadas no Anexo I.

3.4.- Non existe limitación en canto ao número de nadadores por clube e proba.

3.5.- Cada clube poderá inscribir un só equipo de remudas por proba sempre que teña acreditada a marca mínima, ben por suma de tempos de 4 nadadores en probas individuais, ou realizada nunha remuda con nadadores comprendidos nas categorías de referencia.

3.6.- Un nadador que non participe nunha proba para a que estea inscrito non poderá participar en ningunha outra na mesma sesión, agás se fose dado de baixa, segundo as normas do Art. 9 do libro IV do Regulamento Xeral da FEDGAN.

## 4.- INSCRICIÓNS.

4.1.- Realizaranse empregando a base de datos (modelo) correspondente á competición de que se trate e serán remitidas á Federación por correo electrónico. Xunto co devandito arquivo remitirase, no mesmo correo, a acta de preinscrición que o propio programa xera en formato PDF (preferible) ou DOC.

4.2.- As inscricións para cada un dos campionatos deberán obrar en poder da FEDGAN 15 días antes do comezo da competición, sendo responsabilidade do clube que realiza a inscrición asegurarse de que foi recibida pola FEDGAN.

4.3.- Deberán inscribirse tamén os nadadores que participen só en remudas, remitindo o impreso correspondente.

4.4.- Os nadadores con discapacidade realizarán a inscrición segundo o Anexo II da presente normativa.

## 5.- FÓRMULA DE COMPETICIÓN.

5.1.- Todas as probas serán disputadas contra o reloxo.

5.2.- Os criterios de puntuación para todas as categorías serán os seguintes:

a) Para puntuar será preciso referendar a marca mínima da proba. No campionato absoluto open, as marcas mínimas de participación, consideraranse só para os efectos de poder participar os nadadores de categoría absoluto-mozo, debendo referendar a marca mínima absoluta para puntuar.

b) Para a puntuación só se terán en conta como máximo dous nadadores de clubs galegos por clube en cada proba individual, con independencia dos que participasen. Os clasificados despois non serán puntuados, corréndose o dereito a puntuación ao seguinte na clasificación que non sexa dese mesmo clube.

c) A efectos de clasificación final por clubs, só se terá en conta as 16 mellores puntuacións de nadadores de clubs galegos, tanto en proba individual como equipos de remudas.

d) A puntuación nas probas individuais será a que asigna a táboa FINA para cada marca. A puntuación dos nadadores con discapacidade funcionais ou visuais será a que asignan as táboas de compensación.

e) A puntuación nas probas de remudas será o dobre da que asigna a táboa FINA para cada marca.

f) A clasificación final virá dada pola valoración de táboa FINA e a táboa compensada para os nadadores con

discapacidade de clubes galegos.

### 5.3.- No Campionato Absoluto Open:

a) Os récords que se batan ou igualem na competición, terán a puntuación engadida que se indica a continuación:

Récord dos campionatos: 150 puntos

Mellor marca nacional: 200 puntos

Récord de Galicia: 300 puntos

Récord de España: 500 puntos

Estas puntuacións extra non son acumulables entre si.

b) Nas probas individuais e primeira posta de remudas a todos aqueles nadadores que superen os 800 puntos da táboa da FINA outorgaráselles unha puntuación extra acumulable por proba de 100 puntos. Os nadadores con discapacidade funcional e/ou visual deberán superar os 960 puntos da táboa de puntuación compensada para obter dita puntuación extra.

5.4.- Para o cálculo da puntuación FINA, empregaranse os tempos base da táboa FINA do 2014, para a lonxitude da piscina (na que se celebra a competición).

## 6.- CLASIFICACIÓNS.

En probas individuais do Campionato Absoluto Open, haberá unha clasificación en categoría absoluta e unha clasificación en categoría absoluto-mozo que incluírá a os nadadores de clubes de fora de Galicia.

As clasificacións por clubes faranse atendendo aos seguintes criterios:

- Total masculina júnior en probas individuais mais as remudas.
- Total feminina júnior en probas individuais mais as remudas.
- Total conxunta júnior. Será necesario ter competido en ámbalas categorías, aínda cando non se obtivese puntuación nunha delas. O clube que obteña maior puntuación será proclamado Campión Galego de Natación júnior de Verán.
- Total masculina absoluta en probas individuais mais as remudas.
- Total feminina absoluta en probas individuais mais as remudas.
- Total conxunta absoluta. Será necesario ter competido en ámbalas categorías, aínda cando non se obtivese puntuación nunha delas. O clube que obteña maior puntuación será proclamado Campión Galego de Natación Absoluto de Verán.

Nas clasificacións por clubes non se terán en conta os Clubes de fora de Galicia.

## 7.- TÍTULOS E PREMIOS.

7.1.- Medallas aos tres primeiros clasificados en categoría absoluta e en categoría absoluto-mozo, incluíndo aos nadadores de Clubes de fora de Galicia, e en categoría júnior. Medalla os tres primeiros clasificados nas categorías de discapacidade funcional e/ou visual segundo o criterio que figura nas normativas do Comité Paralímpico Internacional de Natación (IPC Swimming). (Pode descargarse a normativa desde a alínea de circulares da FEGAN)

7.2.- Trofeos aos clubes campións en cada unha das clasificacións indicadas no punto 6. Excepto para os nadadores con discapacidade funcional e/ou visual.

7.3.- Trofeo Paula Carballido ao nadador e nadadora que realicen a mellor marca do campionato pola táboa da FINA, incluíndo aos nadadores de Clubes de fora de Galicia.

7.4.- Trofeo para o nadador e nadadora con discapacidade funcional e/ou visual que realicen a mellor marca do campionato pola táboa compensada de puntuación.

## 8. MARCAS MÍNIMAS

8.1.- Serán as indicadas na circular de marcas mínimas para a presente tempada para as categorías referidas ao presente campionato.

8.2.- A data a partir da cal se consideran válidas as marcas mínimas obtidas é o 1 de setembro de 2014.

## 9. NOTA FINAL.

No non previsto na presente normativa estarase ao disposto no artigo 10 do capítulo 3º do Título II do libro X do Regulamento General da RFEN, e no seu caso, ao disposto nas normas FINA.

A Coruña,  
Secretaría Xeral FEGAN

## ANEXO I

As probas e categorías nas que poden participar os nadadores con discapacidade funcional e/ou visual son:

| 50L    | 100L   | 200L   | 50E    | 100E   | 50B              | 100B             | 50M    | 100M   | 200S   |
|--------|--------|--------|--------|--------|------------------|------------------|--------|--------|--------|
| S1-S13 | S1-S13 | S2-S13 | S1-S13 | S1-S13 | S1-S9<br>S11-S13 | S1-S9<br>S11-S13 | S3-S13 | S5-S13 | S3-S13 |

## ANEXO II

1.- A inscrición dos nadadores con discapacidade deberá de enviarse acompañada da FICHA DE VALORACIÓN FUNCIONAL na que se determina a clase na que están encadrados para cada estilo. No caso de non ter a ficha expedida pola FEDDF, deberán obtela, no seguinte centro:

FIMEGA

(Dr. Carlos Alonso Hernández)

Avda. Eduardo Pondal, 68 baixo (a 200 m da Estación de Autobús e Tren)

Pontevedra

Teléfono: 986868544

É preciso solicitar cita previa, especificando que é para unha valoración funcional para a Federación Galega de Natación.

O custo da valoración correrá a cargo do deportista.

Para facilitar a avaliación é conveniente achegar os informes de lesión, se se teñen.

2.- As marcas de inscrición, deberán terse conseguido en competicións oficiais, ben do calendario da FEDDF ou da FEGAN.

3.- Tanto no Campionato Galego como nas demais competicións da FEGAN onde participen, aplicarase por parte dos Xuíces e Árbitros da competición, as recomendacións contempladas no Manual de Árbitro de Natación (CNA) no apartado N.18 Nadadores Discapacitados

<http://www.fegan.org/cms/content/view/4/5/>

4.- No momento de tramitar a licenza de deportista, deberá advertirse que se trata de un nadador con discapacidade.